

得耕堂政書

第八册

退耕堂政書卷十七目錄

奏議十七

札薩克圖郡王烏泰私借俄債酌擬辦法請 旨摺

黑龍江趙胡窩堡經歷請改隸巴彥州片

撥款改挑同江口河道摺

撥款疏濬海城縣三家子等處河道摺

奉省設立森林學堂暨種樹公所摺

奉省漁業公司改歸商辦另設官局保護摺

奉天漁業公司設立銷售場片

籌擬蒙務辦法要綱及分別籌款情形摺

籌辦奉天學務情形摺

奉省八旗官兵俸餉由旗租燒稅發放片

吉林裁缺主事等員請以對品分別歸部選用片

奉省設立禁煙查驗所摺

札賚特旗梅楞聚眾阻撓荒務戕害蒙員請 旨飭拏摺

江省建立圖書館摺

遵 旨覆陳勻定公費摺

遵 旨查覆陶鏞被參各節摺

退耕堂政書卷十七

天津徐世昌

奏議十七

札薩克圖郡王烏泰私借俄債酌擬辦法請 旨摺

奏爲札薩克圖郡王烏泰私借俄債以全旗地產作抵期屆事迫
謹酌擬辦法請

旨遵行恭摺仰祈

聖鑒事竊臣等於本年二月間接據洮南府知府孫葆璽稟稱風
聞札薩克圖郡王烏泰有私借俄債情事密向該旗蒙員來粲文
等詰問初猶推諉迨曉以利害始將該王借款係以全旗路鑛牲
畜爲質限期甚迫該王正在爲難等情和盤托出適該郡王因商
辦愛其撓荒務來府會晤面與申說乘機開導該王亦深悔悟願

正書卷十一
將各路報効並北山後餘地三百里另議出放求

朝廷借款救助以期挽回所有兩次押借俄款字據二紙一併鈔錄稟請核辦前來臣等以事關重大當卽遴委奏派督辦蒙務前民政部外城總廳廳丞朱啟鈴會同孫葆璿查辦去後茲據查明覆稱啟鈴抵洮據孫葆璿稱前上稟後該郡王又鈔示俄員達聶爾來函內有欠據註明屆期失信可派員帶兵至王府查封產業之語與前鈔借據譯文歧出函邀該郡王到洮面詢確情接晤數次再三詰責該郡王悔懼之情見於詞色當將印據債單暨俄文原函呈驗緣該郡王以舊債虧累於三十年向俄國道勝銀行先後借盧布二十萬以四年爲限三十二年又向鐵路公司達聶爾借盧布九萬以一年爲限前任將軍趙爾巽聞之派員查詢該郡王並未據實說明已借俄款復由江省撥給銀六萬兩三十三年

達款一年限滿該郡王遣其弟見達求緩付息七千餘圓另換印據一紙改爲三限歸還初限已過本年正月達聶爾遣其弟持函至旗坐索牲畜復因多係疲瘠函懇至二限必還達聶爾之弟當卽回哈所呈各印據底稿等件均飭員詳細核譯其給道勝銀行印據內有借到盧布二十萬兩字樣旣係盧布何得謂兩其給達聶爾印據內祇稱借到九萬兩並盧布字樣無之詢據該郡王稱所借實係盧布言明須還寶銀當時亦未暇計較至俄文函內有欠據註明如屆期失信可派員帶兵至王府查封產業之語查印據底稿內並無是語詢據該郡王堅稱並未註明此節且道勝一項限期四年據內寫明三十八箇月詰之則稱當係四十八箇月之誤及核其利息適符三十八箇月之數又達聶爾一項寫明分三限歸還而息數仍概按九萬算至本年九月止復詰其因何以

路鑛牲畜與俄作抵該郡王亦祇云聽其要求而已種種情節支離文字歧誤受人愚弄茫乎不知其情可怒其愚可憫惟寶銀與盧布相去懸殊俟還款時與俄人確商辦理該旗前後已放荒地共五十三萬三千六百晌若俟一律升科該郡王歲可得三萬五千餘兩數已頗鉅惟連年荒旱民力爲艱已放之地多未墾種本年已屆升科復經奏明展限三年該旗歲收之租仍祇取給於舊有熟地每年僅得銀二千餘兩其北山一帶踞札旗全界上游地質黑沙頗宜耕種野馬圖山有煤鑛前經乾安鎮照磨張篤福集貲探採投本無多淺開輒止該郡王稱歸流洮兒上游兩河之間地頗膏腴人戶亦少開放較易如果議放尙須派員前往勘驗以憑核辦該郡王冀求

國家貸款償債而以應分租賦抵息現歲入二千餘金不敷殊鉅

鑛產既未經開採鐵路之議洮南尙無成說迤北更須遲遲卽開放北山亦恐須十年以後特各旗風氣鮮開咸思保守每議開放更乎其難如自該旗入手推行盡利未始非因勢利導之方現俄人催索該旗之款勢已岌岌倘按約索抵後患何堪設想且來函謂欠據內註明可派兵至王府查封產業無論印據是否自註既據俄人聲明其意實存叵測又函內有照會三省總督幫同究辦之語則屆時國際交涉自所不免萬一實行其強硬手段或另生枝節恐轉非此數十萬金所能議結現二限已屆轉瞬卽屆三限豈容再緩如議還九萬一項則道勝之項亦斷難置之不理兩項共約需銀四十萬兩所欠京債關係雖輕實爲此事媒孽奸商欺弄蒙人積纖成鉅最堪痛恨必須速籌了結永斷葛藤等因前來當卽據情咨呈軍機處外務部查照在案臣等查該郡王烏泰不

顧利害擅借外債至數十萬兩之多並以全旗路鑛牲畜作抵荒
謬已極自應嚴加懲治惟推其致此之由始因該郡王襲爵纏訟
致有債累繼因開荒被控又借京債復由各債主盤剝重利積算
至今子過於母最多者幾至三十餘倍該郡王無可設措俄人遂
罔以重貲藉爲將來要挾之計但蒙旗雖屬藩封然論國際之法
則各札薩克應守藩屬之法律未嘗與各國明白宣示倘令操之
過蹙該郡王畏懼嚴譴乞援於俄則俄人或從中干預庇護一變
而爲國際交涉後事益難措手臣等再四思維惟有乘該郡王畏
罪輸誠之際爲急進干涉之謀所借俄債約共四十萬兩由

國家代爲歸還既藉以固我主權且卽爲經營蒙藩入手之基礎
該郡王請以租賦路鑛及北山餘地作抵目前原不足恃爲抵款
然

國家撫綏藩服固圉實邊自必不詢其有無抵押計較子息而後代償也第需款數十萬兩亦未便虛擲巨貲毫無辦法且恐該郡王故智復萌因以爲利是寬其既往益不能不杜其將來此次撥給償款應一面照會有約各國嗣後不得與蒙藩自行交涉以合公法一面與該郡王約定援照廓爾羅斯前旗借款之案將該旗應分得之地租一併由公家徵收並將北山餘荒酌量出放卽以該價歸還墊款如此則行政租稅之權已盡操之在我一旗辦有成效他旗亦得知所懲勸自易就我範圍至代償之款擬由臣等咨商度支部向大清銀行支借銀四十萬兩將來卽以該旗租賦路鑛及開放北山荒地所有各項餘利先行盡數提還以歸墊全清之日爲止雖遲速固無把握而款項非無著落臣等明知部款支絀惟此事實關大局東省一時周轉爲難部臣體念時艱必能

正書卷一
二
挹彼注茲允爲借箸一俟與大清銀行借定的款臣等當派員先與道勝及達聶爾交涉將應還盧布一節磋商辦理其北山餘地亦卽陸續設法丈放以期早濬利源藉裕籌邊之至計至所欠京債利逾於本者重利盤剝本干例禁應請

旨飭下理藩部將該郡王印據分別追銷取結完案並將嗣後各蒙旗借京債者如債主違例盤剝一經發覺卽應取銷本利加等嚴懲纂入理藩部則例以儆效尤一面通飭各蒙旗一體遵照所有札薩克圖郡王烏泰私借俄債期屆勢迫各情形理合酌擬辦法奏明請

旨如蒙

俞允卽由臣等咨行各該衙門欽遵辦理除咨部外謹恭摺具陳伏乞

皇太后

皇上聖鑒訓示遵行

趙胡窩堡經歷請改隸巴彥州片

再查光緒三十年十一月間江省變通民治經前署將軍程德全奏准於呼蘭府屬之趙胡窩堡添設分防經歷一員逕歸該府管轄等因嗣以該府所屬之巴彥州轄境過狹於辦理學堂巡警等事恐多未便復經飭將該處租稅劃歸巴彥州徵收該處經歷卽由巴彥州管轄以期聯絡業經分別札飭遵照各在案惟該處分防經歷現旣劃歸巴彥州自應改爲分駐巴彥州州判以符名實如蒙

允准再由臣等揀員咨請補授並請

飭下禮部改鑄鈴記頒發俾昭信守至辦公經費等項仍照前設

正書卷十一
五
經歷原案開支除分咨查照外理合附片具陳伏乞

聖鑒訓示

撥款改挑同江口河道摺

奏爲同江口改挑河道保衛商埠撥款興修恭摺具陳仰祈

聖鑒事竊查前據同江廳設治委員程學恂呈稱同江口踞遼河上游爲南北水路要衝河身灣曲形如懸弧同江商埠適當其背近日河流東徙去埠益近若不改挑河道夏秋盛漲全埠商民財產漂沒實屬堪虞擬就水勢地勢裁灣取直改挑新河另於上游添築順水壩逼水西行以保商埠惟同江口遼河東岸地屬博多勒噶台親王旗遼河西岸地屬達爾罕王旗而挑挖新河須占用西岸地址約三四十丈詳詢該西岸地址多係河淤概歸旗丁梁萬福私產當由同江廳會同該管王旗傳梁萬福諭以公益所關

並經該廳邀同紳商就地籌款措交業主以償損失羣情悅服兩無異議懇卽速予撥款早日興工等情先後呈請前來查同江口河灣逼近商埠夏秋盛漲水勢奔騰異常危險亟應設法維持撥款興修以利交通而維商務當由臣等派員覆勘屬實一面分行博多勒噶台親王旗暨達爾罕王旗查照一面由度支司先行撥給工款銀二萬兩飭由同江口設治委員程學恂具領購集工料尅日興修務期涓滴到工不得絲毫糜費所有動用銀兩實數應俟工竣再行造報除分咨民政部度支部農工商部理藩部查照外所有改挑同江口河道保衛商埠撥款興修緣由理合恭摺具陳伏乞

皇太后

皇上聖鑒飭部立案施行

正置卷十一
撥款疏濬海城縣三家子等處河道摺

奏爲海城縣三家子石佛寺等處河道淤塞撥款疏通以蘇民困
恭摺具陳仰祈

聖鑒事竊據署海城縣知縣陳藝呈稱縣屬西鄉地皆窪下東由
虎獐屯西至三家子南由大官屯北至青城子綿亘七十餘里寬
三十餘里可種之地約三十萬畝虎獐屯西接石橋子舊有河道
一處迤邐西至三家子順流繞入遼河嗣因年久河道淤塞水無
所洩每屆夏令山水暴漲遠近盡成澤國不保課賦由來已久村
眾歷年築壩堵水於事無濟且有刁民唆令洋商租買淤地開壩
放水時啟交涉擬請撥款疏濬以興水利而泯爭端等情據此臣
等當派分省補用道陳希賢前往勘驗屬實正在核辦間又據海
城縣知縣陳藝呈稱據石佛寺左近各屯聯名呈稱石佛寺青天

嘴等處連年水災淹沒耕田多至六七萬畝懇請一律開濬等情前來復經派員勘驗屬實臣等查三家子等屯與石佛寺接壤沿河一帶地盡可耕自應通盤籌畫爲一勞永逸之計雖籌款維艱而能使數十萬畝沮洳之地盡變膏腴其有裨於

國計民生良非淺鮮當經摺節估計除沿河順水各溝責令民間自行開挖以節虛糜外合計兩處河工約需銀二萬五千兩由葦塘荒價項下先行提撥飭令前海城縣知縣陳藝會同新任海城縣知縣高暄陽認真經理擇期興工一切工料務期核實開銷不得絲毫糜費至將來不敷銀兩並動用數目統俟工竣再行造報除分咨民政部度支部查照外所有海城縣三家子石佛寺等處河道淤塞撥款疏濬緣由謹恭摺具陳伏乞

皇太后

皇上聖鑒飭部立案施行

奉省設立森林學堂暨種樹公所摺

奏爲奉省設立森林學堂暨種樹公所以興林政而闢利源恭摺
仰祈

聖鑒事竊維實業之興基於樹植因材而篤首重栽培所以周禮
設官場虞分職研求植物各就土宜入林取材尤禁非時厥制至
爲詳贍近者東西各國注重林政造林伐樹無不學有專門奉省
地廣山深土最宜木鳴綠渾江兩河之濱窩集駢列合抱良材交
柯而生加意講求實爲天成美利徒以民間不知封植任意摧殘
施不時之斧斤聽自然之消長取之不禁而培之無方勢必取用
易竭生材日耗此森林一業不可不亟籌整頓之方也臣等逐細
考查知種植之學在於實施教育導以先路疊經督飭勸業道派